

Awe nochi

Poets TV ta dedica su ultimo programa di 2011 na Johny "Poentje" Castro (r.i.p)

awe 20 december pa 9:40 pm atrabes di Telearuba/TDS 13 Corsou



DIABIerna proximo 23 december ta haci 1 aña cu Aruba a ser di shock cu e lamentable noticia cu e conocido productor y presentador, Poentje Castro di e popular programa di tv: "Un Dia den Bida" a ser asesina den su propio cura di cas.

E caso aki no solamente a conmove pueblo di Aruba, pero tambe na islanan di BES, spe-

cialmente Corsou unda tambe e tabata realiza su popular programa "Un Dia den Bida".

Te cu a awe e caso no tin solucion y e burdugu cu a kita bida for di Poentje Castro keto bai ta desconoci. Poets TV a produci un programa cu duracion di 1 ora y 30 minut, "Recordando nos inolvidabel amigo y colega

Poentje Castro".

Durante e programa a realiza diferente personahe, kendenan cada uno lo conta di nan experiencia cu nan a biba hunto cu Poentje Castro.

Oscar Vidal lo conta e bida musical di Poentje den e mundo di Gaita y Brassband. Endy Croes lo conta di e bida como estudiante cu el a biba hunto cu Poentje na Hulanda den tanto e mundo di brassband y softball. Ramphis Tromp lo conta di e tempo cu Poentje tabata manager di su popular banda musical EQO.

Den studio di Telearuba cu gran cooperacion di Telearuba, a graba e parti cu Manuel de Silva a reuni varios di su amigonan: Pedro Texeira, kende tabata e prome persona como invitado di e debut di e programa "Un Dia den Bida". Alwin Boekhoudt, kende a comparti e programa di pesca "Compas" cu Poentje Castro.

Darren van Ommeren y Raymond Arends (amigonan di cas) y Manuel de Silva, kende conhuntamente cu Poentje ta organisadornan di e popular evento Carnavalesco 'Hebehebe'. Tambe Tirso Tromp

como representante di Heinek-en, e cerbes patrocinador di Hebehebe", ta conta su experiencia cu Poentje Castro.

Tambe Minister Otmar Oduber, kende como amigo personal di Poentje Castro ta conta su parti. Eugene Castro ruman di Poentje y Jovell Castro yiu di Poentje ta expresa e perdida y cuanto falta nan ta sinti di nan estimado ruman y tata Poentje Castro.

Poets TV na ultimo momento a logra di entrevista Hoofd Officier Blanken di Ministerio Publico tocante e caso, cual ta uno sumamente delicado y hermetico.

Poets TV for di e coleccion di dvdnan di tur e programanan di "Un Dia den Bida", a saca e partinan cu Poentje Castro tabata yuda e famianan pover, cual ta refleha e parti bondadoso cu Poentje Castro semper a demostra den su programanan.

E programa aki ta ser produci y presenta pa Jan Poets di Poets TV cu gran cooperacion di sr. Reuben Graigg, Director di Telearuba.